

Багъчудин бригад

Приозерн района «Ергененский» совхозин 4-ч номертā тракторн бригад, бригадирнь коммунист ұр Г. Х. Баканов, мана районд тўрўн нўўрин бригадсин негнь болдж мел чикār тоолгдна. Эн бригад райондан тўрўн болдж, намрин тārā тārлгъāн хамгин ахр болзгт, агротехническ оодм чинртā-āгъār тōгсклā. Намрин тārā тārлгънд трактористнр Л. Горяев болн Б. Шантаев, тārāчнр С. Манджариков болн Б. Пюрбеев ўзмджтā сāāнār кōдлцхāv. Ёр Бакановин тракторн бригад 1500 гектар газрин агъуд намрин тārā тārхин ормд 1506 гектар газрт намрин тārā тārв.

Ода эн совхозд малин хот белдлгън ик гўджрлгтāгъār кегддж йовна. Механизатормуд А. Бюрчиев болн

М. Эрдниев «ДТ-54» тракторар кōк х у л с хадад, олна малд 200 гар тонн шўрўн хот' белдв.

Бāārн газрин цуг эв-аргъан олзлад, малин хотин кōрнъгāн икдўлдж йовх «Ергенинский» совхозин сāн ўлгўр района наадк эдл-ахусар тархагдх зōвтā.

Малин хотд белдгдсн хулснь малин ўвлзньгин бāārнўр тер дарунъ зōбгднā. Хулс зōблгънд «ДТ-54» маркта 2 трактор, нег «Беларусь» кōдлджāнā.

Тракторн бригадин кōллектив Алдр Октябрин 42 джилин оон уктад, эн оон кўртя малин ўвлзньгин бāārнўр малин хот зōблгъāн тōгскх далгъвр авб.

М. ВАСЬКИН.